

卷四

教典志

學校

壇祀

鄉飲

朝賀

鄉約

武備

風俗

重修臨潁縣志

重修臨潁縣志目錄

卷一

方輿

圖考

天文圖  
學宮圖

縣境圖

縣城圖

縣治圖

沿革

星野

疆域

山川

津梁附

物產

卷二

建置

城池

公署

倉儲

鄉井

市廛

坊表

舖舍

養濟

藥局 漏澤附

卷三

賦役

田土

戶口

稅糧

差役

卷四

教典

學校

壇祀

鄉飲

朝賀

鄉約

武備

風俗

卷五

官師

職官表

知縣  
驛丞

縣丞

教諭

訓導

主簿

典史

卷六

官師

封爵

名宦

官職

縣官  
把總

學官  
訓衛

縣丞  
訓科

主簿  
僧會

驛丞  
道會

典史

卷七

人物

選舉表上

薦辟

進士

舉人

貢生

卷八

人物

選舉表下

進士  
陳職

舉人  
武進士

貢生  
武舉

例貢  
武職

例監

薦舉

卷九

人物

前哲

卷十

人物

前哲

鄉賢

封廕

鄉耆

孝義

隱逸

義勇

方伎

義民附

卷十一

列女志上

卷十二

列女志下

卷十三

雜稽

災祥

變亂

附兵戈志

卷十四

雜稽

古蹟

附攷

景物

故事

附巡蹟攷

陵墓

寺觀

卷十五



藝文

奏疏

碑記

卷十六

藝文

詩賦

詩餘

重修臨潁縣志卷四

邑令 陳垣 東園 陳俊 冊囊 楊酉桂 光辰 重修

教典志 學校 壇祀 鄉飲 朝賀 鄉約 武備 風俗

增 周官司徒掌邦教敷五典擾兆民此學校所由立而壇祀之

設崇德報功亦先王神道設教之意也至隆鄉飲以教讓野無

犯齒之賓肅朝賀以教忠下知敬上之禮鄉約讀法於月吉而

好善惡惡之志興武備訓練於歲閒而有勇知方之義著馴至

道一風同化行俗美則教之所以成也志教典

學校

順治志學校者風俗之本而人才之所自出也其道統於孔子是故崇祀以敦其原樹教以正其規明倫以肅其宜爲國者首重焉重之則學成易之則學廢故曰學猶殖也不殖將落臨穎自嘉隆之際人文不振蔚爲國華台衡百司輝映聯翩卽至篤志幽貞者亦足羽儀一時猗歟盛哉國朝鼎興登進儒術廣勵學官繼起者且彬彬矣其所以興其道藝率其德者蓋不可不周以詳也志

# 立文廟

在縣東南隋制國子學以四仲釋奠州縣則以春秋二仲釋奠臨穎又廟蓋助於此書立者志創始也元季兵燹學宮盡廢惟廟制無虞有三古檜古柏槐數株成化後有給

其幹者士庶惜之嗚呼茲可以觀風矣

# 宋大觀元年立御製學校八行八刑條碑

在戟門東

碑曰維大觀元年三月十九日勅中書省據學制局准本局承受送到內降奉御筆批學以善風俗明人倫而人材所自出也今有教養之法而未有善俗明倫之制始未足以兼明天下君子曰其爲人也孝弟而好犯上者鮮矣不好犯上而好作亂者未之有也蓋設學校制師儒所以敦孝弟孝弟興則人倫明人倫明則風俗厚而人材成刑法措朕考成周之隆教萬民而資興以六德六行否則威之以不孝不弟之刑比已立法保任孝弟睦婣任恤忠和之士去古綿邈工非里選習尚科舉不孝不弟有時而容故任官臨政趨利犯義誣訕貪污無不爲者此官非其人士不素養故也近因餘暇稽周官之書制爲法度頒之學校明倫善俗庶幾千古

諸七有善父母爲孝善兄弟爲悌善內親爲睦善外親爲婣信于朋友爲任仁于州里爲恤知君臣之義爲忠達義利之分爲和

諸士有孝弟睦婣任恤忠和八行見于事狀著于鄉里耆隣保伍以行實申縣縣令佐審察延入縣學考驗不虛保伍申州如令

諸八行孝弟忠和爲上睦婣爲中任恤爲下士有全備八行保明如令不以時隨奏貢人學免試爲大學上舍司成以下引問考驗較定不誣申尙書省取旨釋褐命官優加拔用

諸士有全備上四行或不全一行而兼中等二行爲州學上舍上等之選不全上二行而兼中等一行或不全上三行而兼中二行者爲上舍中等之選不全上三行而兼中一行或兼下行者爲上舍下等之選全有中二行或有中等一行而兼下一行者爲內舍之選餘爲外舍之選

諸士以八行中三舍之選者上舍貢入內舍在州學半年不犯第二等罰升爲上舍外舍一年不犯第三等罰升爲內舍仍准上法

諸士以八行中上舍之選而後貢入大學者上等在學半年不犯第三等罰司成以下考驗行實聞奏依大學貢士釋褐法取旨推恩中等依大學上等法待設試年推恩下等以大學中等

諸士以八行中選在州縣若大學皆免試補爲諸生之首選充職事及諸廩長論

諸以八行考士爲上舍上等其家依官戶法中下等免戶下支移折變借借身丁內舍免支移身丁詬謀反謀叛謀大逆嗣孫及大不恭詆訕宗廟指斥乘輿爲不忠之刑惡逆詛罵告言父母父母別籍異財供養有闕居喪作樂自娶釋服既哀爲不孝之刑不恭其兄不友其弟婦妹叔嫂相犯罪杖爲不弟之刑殺人略人放火強奸強盜若竊盜杖及不道爲不和之刑謀殺及賣略總麻以上親毆告大功以上尊長小功尊屬若內亂爲不睦之刑詛罵告言外祖父母與外姻有服親同母異父親若妻之尊屬相犯至徒違律爲婚停妻娶妻若無罪出妻爲不嫺之刑毆受業而犯同學友爭徒應相而輒告言爲不任之刑詐欺取財罪杖告屬耆隣保伍有所規求避免或告事不下已爲不恤之刑

諸犯八行縣令佐州知通以其事目書於籍報學應有入學按籍檢會施行

諸士有犯不忠不孝不弟不和終身不齒不得入學不睦十年不嫺八年不任五年不恤三年能改過自新不犯罪而有二行之實者鄰伍申囑縣令佐審察聽入學在學一年又不犯第三等罰聽齒於諸生之列

宋碑亦通天下者何書焉示勸也勸者何此三代舉德行兩漢

尙名節之法也夫學校爲風化之原儲養俊髦教人以尙行避  
刑善善惡惡則庶乎古人爲己之學也不然一以文學律人則  
顏服而跖心者獲廁夫冠裳矣顧責之齊治得乎嗚呼大觀御  
製之條其盡善哉宋道學之盛有自也夫吾恐士弗及見者於  
是乎書

昔邱文莊曰爲學莫大於明經立身莫先於忠孝有矩範以鎮  
其浮有資限以抑其躁有考校以試其進則教備矣不然徒重  
之以文藝焉本實不著虛僞日競如是而欲養人才美風化是

猶卻步而求前也可乎宋碑八行八刑切於教法故照研岡志錄之

元大德十一年立加封孔子曰大成詔碑在戟門西

明洪武三年重建廟學知縣王復重修

建東西廡各七間

建戟門三間

建櫺星門三間

建神庫三間



建神廚三間

建宰牲房三間

建明倫堂三間

建東西齋各三間

建會饌堂三間在堂東北

建教諭宅在堂北

建訓導宅一在堂西北一在堂西南

建學門三間

建道義門 三間

洪武十年重修廟學 知縣吳忠復加完美

立足膳倉 二所在學西南

永樂三年繪文廟肖像 知縣馬文隆朱士容併率士大夫作新之 立碑

河東王氏記略曰自唐罷周公而祀孔子迄今不變者天理民

彝之至也夫廟而主禮也後世易之以肖像土偶豈禮也耶雖

然天生聖人豈以貌爲哉而人於聖人未嘗不以貌也當是觀

聖人者以溫良恭儉讓記聖人者以溫厲威猛恭安千載之下

使人讀之眞如卽杏壇聆警歎也其興起樂善之心何如哉嗚呼像而不主其來久矣不可驟易若略而不備一循苟簡亦褻矣乎主祭者何如耶今文隆輩雖不能盡易乎古而能大備於今可謂重祀典厚風教化民成俗之美意也其亦賢哉

宣德四年建學堂及東西齋

東曰博文西曰約禮

建號舍

知縣馬進明重建

正統九年重修廟學

立碑記見藝文

造祭器

知縣曹忠奉勅諭修理久廢

立射圃

知縣曹忠立在學之西南

西向建觀德亭

今廢

臨川黎氏曰易繫辭云弦木爲弧剡木爲矢世本云揮作弓夷  
牟作矢書云侯以明之射之爲禮舊矣國家建學育材洪武三  
年勅天下學校講習射禮二十五年重定儀式射禮至是又大  
備矣

成化三年重建明倫堂

教諭陳能咨於前令高昇  
率生員耿瑄修建立碑

十五年立儒林賢關二門

知縣張綸立

宏治四年重修廟學改修觀德亭南向

許州同知施文顯修葺未畢知縣李濟繼成之

正德三年重修廟學

知縣孫孟舉重修立碑記見藝文

七年增修兩廡荆繪肖像

知縣樊繼祖教諭盧溥增廡四間委義官宋蘭督工倡好義者各為肖像一時煥然為創建云

十三年修號舍及神廚

知縣趙鼎重修

嘉靖六年修學宮始易木主

知縣盧鏗重修

夫廟而主禮也書始易木者嘉復禮也

明洪武初詔孔子廟用木主時穎失於奉行嘉靖六年議去前代爵諡稱至聖先師復申木主之制穎始用之四配冠以復聖宗聖述聖亞聖十哲以下稱先賢某子異代從祀者稱先儒某

子黜申黨以下十四人改林放以下七人祀於其鄉增后蒼王通歐陽修胡瑗四人隆慶六年及萬曆初又增明薛瑄胡居仁陳獻章王守仁四人歲以春秋二仲上丁日縣令祭之牲用

少牢

### 立道義門

### 立宰牲堂

廢久至是盧鏜重修

### 萬曆四十八年

知縣張福捧重修

正殿兩廡戟門泮池櫺星門及明倫堂兩齋四周牆垣更以瓦甃

### 規制宏廠軒豁始為明備

明末左兵破城止存正廟戟門櫺星門餘俱燒毀

### 清順治十二年

知縣尹國賓率闔邑紳士捐貲命監生盧生明督工重修大成殿尋以事去餘未及修

### 乾隆志

康熙二年重建明倫堂

明倫堂兩經重建歲久傾圮傳柱椽三間至是知縣李馥先積三年之俸而再建之

二十八年重修廟學

知縣董匡祚重修有碑

四十二年

教諭宋吉金重修

四十五年

知縣沈近思重修

雍正十年

知縣賈澍漢率紳士張安王振祥宋稹姚希孔重修俱有碑

乾隆九年

知縣劉沆捐修

新志

乾隆四十年

知縣王誥率紳士王勳符天祥等重修有碑記見藝文志

光緒十七年

知縣孫寶璋率紳士徐甲趙烜  
曹文炳等重修有碑記見藝文志

順治志明洪武初建明倫堂十五年頒禁例勒石於堂之左前爲  
二齋每齋十人日給廩米膳銀仍僉膳夫二名主造飲食供之是  
爲廩膳生後齋各增十人不給廩膳爲增廣生後又增英少可訓  
誨者不限以額爲附學生明初入學補廩補增悉屬縣令宣德三  
年用言臣議設按察司副使若僉事一員專司提督而入補之權  
悉歸之其所業以四書爲主而各專一經子史百家皆兼獵之以  
資博雅其致身之途則開二年以食廩年深者升之王廷備之太



學以備擢用後又虞其沈滯每三年大比張科目拔英俊之士而士之嚮用於斯爲盛其優免之制則每生糧二石人二丁云

國朝定鼎教養人才屢命學臣申諭勸之令典其學一以朱氏爲宗原本六經而上統乎孔子而又規之以明理敦行毋爲浮習國家之於學校亦云至矣士可自棄乎哉

順治十六年知縣李馥先以士所習業立程課之

啓聖祠

在文廟東雍正元年改爲崇聖祠

嘉靖中

知縣趙思忠奉上檄創建祀啓聖公以四氏及程賾朱松蔡元定附焉丁祭前一刻學官主祀儀同前

萬曆四十八年

知縣張福臻重修四垣以磚而規矩始備明末燬於左兵

順治五年

署縣事按察司知事張鳳鳴重修

康熙五十九年

教諭張夢水重修

乾隆四十年

知縣王誥率紳士重修

光緒十七年

知縣孫寶璋率紳士重修

釋奠禮

正統元年

日期用春秋仲月上丁日取陰火文明之象

丁二八陰火陰

獻官以所在官長行三獻禮

分獻官以本學教諭訓導行一獻禮

祭品

籩實

形鹽

藁魚

棗

栗

榛

菱角

茨

即雞頭蓮

鹿脯

白餅

白麵造

黑餅

蕎麥粉造

糗餌

米粉造

粉餐

糯米發造

豆實

蕪菹 以蕪切去本末用中四寸

菁菹 芹菹 笋菹 鹿醢

醢醢 猪肉鮮用鹽酒料物調過

兔醢 魚醢 豚胎 猪嘴上肉

脾胗 用牛百葉切細湯熟用鹽酒造用

飩食 用糯米飯羊脂密熬

糝食 用牛羊猪肉切細梗米飯同熬

簋實

黍 稷

簋實

稻 梁

登實

大羹 猪肉汁不用鹽醬

鉶實

和羹 汁用菜料和者

設祭物於案另設一小几於前置  
香燭祝板奠食於上

菱鹿脯  
茨燭

酒尊三先師一四配一十哲一俱  
設於殿前之東

棗栗  
象魚

爵三盛酒三次獻上  
登一盛大羹釂二盛和羹

爵和羹  
黍稷  
羊燭

燭籩左八盛鹽  
藁魚棗栗榛茨菱  
鹿脯

先師位爵大羹

帛几祝

香豆右八盛  
韭菹菁菹芹菹  
魚醢

爵和羹  
稷梁  
豕燭

燭簋二盛黍稷  
籩二盛稻梁

韭菹醢醢  
鹿醢

筐一盛帛一段白色長一丈八  
尺

芹菹兔醢  
魚醢燭

牲二羊一豕一用牲匣二盛  
置于前與高案併羊左豕右

祝板以木為之用白紙寫祝文  
粘具上祭畢焚之

四配位 每位設一小几於前 置香

菱 藁 魚

爵 三 奠 帛 於 上 次 獻 上

栗 鹿 脯 形 鹽 棗 羊肉

登 一 盛 大 羹 銅 二 盛 和 羹

爵 和 羹

燭

燭

籩 左 六 盛 鹽 藁 魚 棗 栗

四配位爵大羹

黍

帛 几 祝 桌 板 香

豆 右 六 盛 菁 藟 芹 藟 笋 藟

爵 和 羹

稷

燭

燭

簋 一 盛 黍 簋 一 盛 稷

菁 藟 鹿 醢 芹 藟 兔 醢 豕 肉

籩 一 盛 帛 一 段 白 色 長

笋 藟 魚 醢

牲 羊 一 方 盤 各 分 置 四 位

前

栗鹿脯

燭

鹽棗

黍

燭

十哲位爵和羹

豕肉

帛

几

香

豆

籩

四

盛

鹽棗

栗鹿脯

荳蔻

荳蔻

荳蔻

荳蔻

荳蔻

荳蔻

荳蔻

荳蔻

荳蔻

稷

燭

籩

一

盛

黍

菁菹鹿醢

燭

芹菹兔醢

牲

一

丈

八

尺

用

豕

一

隻

作

五

分

用

方

木

案西五位同盤盛置於

十哲位東五位每位設祭物於前另於中總設一小祭

置奠帛香燭於上爵五每位各用一爵

行禮時執事注酒于爵內分獻官行禮另

獻一爵于中燭一盛和羹

籩四盛鹽棗栗鹿脯荳蔻荳蔻荳蔻荳蔻

籩一盛黍

籩一盛稷帛一段白色長



東廡五十五位共十四桌最下

一桌三位酒肉

每四位共一桌於中間共另總

設一小几置奠帛香燭於上

每桌用爵四每位各用爵一至

行禮時執事者注酒於爵內

分獻官行禮時另獻爵於中

簋四盛鹽棗栗鹿脯

豆四盛菁菹芹藟鹿醢兔醢

### 兩廡位

爵

栗鹿脯豕肉

燭

爵 鹽棗豕肉

帛

桌儿

香

燭

爵 菁藟鹿脯豕肉

稷

爵 芹藟兔醢豕肉

燭

燭

簋一盛稷

酒尊一

籩一盛帛一段白色長一丈八尺

牲每一廡用豕一隻分作五十五分每分用方木盤盛置於案頭四分蹄四分肉四十七分西廡五十五位同

祭器

祝板一

爵一百五十七

登五

鉶二十

簠四十一

簋四十一

籩百八十四

豆百八十四

酒樽五

筐九

酒樽桌三

上作三孔

牲匣八

大小木盤二百八十一

香案十七

香爐四十五

燭臺四十五

供桌四十三

毛血盆八

瘞毛血盆八

幌巾三

盥洗盆架

三各

酒勺五

滌牲桶八

鍋八

粉盆四

庭燎隨用

樂器

麾幡

祝一

敔一

琴六

瑟二

鍾十六

磬十六

塤二

箎二

簫四

鳳簫二

笙六

笛四

播拊鼓二

歌工六人

以上共用樂生四十二人

舞器

引舞旌節二 籥六十四

翟六十四

以上共用舞生六十四人

釋菜禮

祭物

兔三隻

酒三瓶

栗四斤

棗四斤

菁菹半斤

香燭隨用

爵先

棗

燭

先師位爵此爵待行

菩菹鬼醢

香爐

爵先

栗

燭

爵

棗

燭

十哲兩廡爵

菁菹

香

爵

栗

燭

或曰釋奠釋茶禮之通乎天下者也何志焉曰通乎天下則天下宜志之也通乎一邑則一邑宜志之也且一邑之中山川草木蟲鳥之微猶必細志之恐其忘也况禮之大者乃聽其湮沒而不稽乎禮失而求其備禮備而求其行是非志之不可也

乾隆志曰文廟舊志昉於隋而不書年號康熙五十四年風折廟柏掘一古磚得隋大業年字蓋城自大業年由固城遷此廟與俱立也今首載奉

旨事宜次列學宮建置先賢儒姓氏以及祭品樂章俱附入

御書大成殿匾額

萬世師表

康熙二十三年頒

生民未有 雍正四年頌

與天地參 乾隆三年頌

聖集大成 嘉慶

聖協時中 道光

德齊疇載 咸豐

聖神天縱 同治

斯文在茲 光緒

御製 孔子贊四子贊勒碑學宮 康熙三十三年頌  
碑在大成殿東西



康熙二十九年巡撫閩興邦請設樂舞生六十四人備樂器祭器  
禮部議頒闕里儀制遵行

四十九年奉

旨春秋二丁武職與祭三十三年以宋儒范仲淹從祀五十四年遷  
東廡朱熹配十哲之次

雍正元年奉

旨學宮內建忠義節孝祠二年奉

旨附饗廟庭諸賢宜復祀者六人林放蘧瑗秦冉顏何鄭康成范甯

宜增祀者二十人縣曹牧皮樂正子公都子萬章公孫丑諸葛亮  
尹焯魏了翁黃幹陳淳何基王柏趙復金履祥許謙陳澹羅欽順  
蔡清陸隴其宜入崇聖祠者一人張迪三年頒加增祭品祭器樂  
器圖冊自叔梁公以上至木金父並追封王爵改啓聖祠爲崇聖  
祠

乾隆二年復元儒吳澄從祀三年升東廡有子入殿東卜子夏下  
移朱子於殿西顓孫子師下

文廟中大成殿前列兩廡耳房藏貯祭器樂器前爲戟門又前爲

泮池爲櫺星門東西門二曰聖域曰賢關殿後東西門二曰禮門康熙五十九年教諭張夢水修乾隆二年教諭趙上玉重修曰道義門乾隆二年教諭趙上玉重建又後爲明倫堂前爲二齋東博文西約禮乾隆二年教諭趙上玉重建堂西爲訓導宅

又後爲教諭宅

舊志載膳堂號房神厨宰牲堂足膳倉俱廢又禮門外南北通衢一道北曰賢關門西南曰儒林門路西爲訓導宅前曰觀德亭俱廢計地二

十二畝爲民蓋屋居之歲納租稞康熙四十二年教諭宋吉金議免之開列段畝刊石以紀

### 正殿

至聖先師孔子神位

行三跪九叩頭禮

祭品

帛一白色牛一羊一豕一登一鉶二簋二簋二籩十豆十酒  
罇一白磁爵三

四配

復聖顏子

述聖子思子

宗聖曾子

亞聖孟子

祭品

帛四白色豕一羊一鉶一簋二簋二籩八豆八酒罇一白磁

爵三

十哲東五位

又加有子一位乾隆三年陞

閔子名損

冉子名雍

端木子名賜

仲子名由

卜子名商

有子名若

祭品

帛一白色豕一鉶各一簋各一簋各一籩各四豆各四豕首

一白磁爵三

十哲西五位又加朱子一位

乾隆三年陞

冉子名耕

宰子名予

冉子名求

言子名偃

顓孫子名師

朱子名熹

祭品與東五位同

東廡六十五位

蘧瑗

澹臺滅明

原憲

南宮适

商瞿

漆雕開

司馬耕

巫馬施

顏辛

曹卣

公孫龍

秦商

顏高

壤駟赤

石作蜀

公夏首

后處 奚容蒧 顏祖 句井疆

秦祖 縣成 公祖句茲 燕伋

樂欬 狄黑 孔忠 公西蒧

顏之僕 施之常 申棖 左邱明

秦冉 牧皮 公都子 公孫丑

張載 程頤 公羊高 孔安國

毛萇 高堂生 鄭康成 諸葛亮

王通 司馬光 歐陽修 胡安國

尹焯

呂祖謙

蔡沈

陸九淵

陳淳

魏了翁

王柏

許衡

許謙

薛瑄

王守仁

羅欽順

陸隴其

吳澄

湯斌

道光三年祀

黃道周

道光三年祀

陸贄

道光三年祀

祭品

帛一白色  
豕三每案簋一簋一籩四豆四銅爵各一

西廡 六十四位



林放

宓不齊

公冶長

公皙哀

高柴

樊須

商澤

梁鱣

冉孺

伯虔

冉季

漆雕徒父

漆雕哆

公西赤

任不齊

公良孺

公肩定

鄒單

罕父黑

榮旂

左人郢

鄭國

原亢

廉潔

叔仲嚮

公西輿如

邾巽

陳亢

琴張

步叔乘

秦非

顏嚮

顏何 縣 亶 樂正克 萬章

周敦頤 程顥 邵雍 穀梁赤

伏勝 后蒼 董仲舒 杜子春

范甯 韓愈 范仲淹 胡瑗

楊時 羅從彥 李侗 張栻

黃幹 眞德秀 何基 趙復

金履祥 陳澔 陳獻章 胡居仁

蔡清 劉宗周道光三年記 呂坤道光三年記 孫奇逢道光三年記

祭品與東廡同

文廟樂章乾隆八年頒發

春祭 夾鐘為宮應鐘起調

迎神 咸平

大佻哉佻孔佻子伍

先佻覺佻先伍知佻

與佻天佻地佻參伍

萬佻世佻之伍師伍

祥伍徵佻麟佻紱佻

韻佻答佻金佻絲佻

日佻月佻既佻揭伍

乾佻坤佻清佻夷佻

初獻 霽平

予仄懷仇明仇德伍

玉仕振仇金仇馨仕

生仇民仇未仕有伍

展仇也仇大伍成仇

俎伍豆仕千仇古伍

春仇秋仇上伍丁仇

清仇酒仕既仇載仇

其仇香仇始仇升仇

亞獻 安平

式仇禮仇莫仇愆伍

升仕堂伍再仇獻仇

響仕協伍鼗仇鏞仇

誠伍孚仕罍伍獻仇

肅伍 肅伍 雍伍 雍伍

譽伍 髦伍 斯伍 彥伍

禮伍 陶伍 樂伍 淑伍

相伍 觀伍 而伍 善伍

終獻 景平

自伍 古伍 在伍 昔伍

先伍 民伍 有伍 作伍

皮伍 弁伍 祭伍 菜伍

於伍 論伍 思伍 樂伍

惟伍 天伍 牖伍 民伍

惟伍 聖伍 時伍 若伍

彝伍 倫伍 攸伍 敍伍

至伍 今伍 木伍 鐸伍

徹饌 咸平

先佻師佻有佻言佻

祭佻則佻受佻福佻

四佻海佻鬢佻宮佻

疇佻敢佻不佻肅佻

禮佻成佻告佻徹佻

毋佻疏佻毋佻瀆佻

樂佻所佻自佻生佻

中佻原佻有佻菽佻

### 送神 咸平

鳧佻繹佻峨佻峨佻

洙佻泗佻洋佻洋佻

景佻行佻行佻止佻

流佻澤佻無佻疆佻

聿佻昭佻祀佻事佻

祀佻事佻孔佻明佻

化佂 我佂 蒸佂 民佂

育佂 我佂 膠佂 庠佂

文廟樂章

秋祭 南呂爲宮仲呂起調

迎神 咸平

大佂 哉佂 孔佂 子佂

先佂 覺佂 先佂 知佂

與佂 天佂 地佂 參佂

萬佂 世佂 之佂 師佂

祥佂 徵佂 麟佂 紱佂

韻佂 答佂 金佂 絲佂

日佂 月佂 既佂 揭佂

乾佂 坤佂 清佂 夷佂

初獻 寧平

予伋懷亿明仕德伋

玉伋振亿金伋聲伋

生仕民亿未伋有伋

展亿也仕大伋成仕

俎伋豆伋千伋古伋

春仕秋仕上伋丁仕

清伋酒伋既亿載伋

其亿香仕始亿升伋

亞獻 安平

式伋禮伋莫仕愆伋

升伋堂伋再亿獻伋

饗伋協伋鼗亿鏞仕

誠伋孚伋罍伋獻伋



肅仄 肅仄 雍仕 雍仕

譽亿 髦仄 斯仄 彥仄

禮仄 陶仄 樂亿 淑仕

相仄 觀仕 而仄 善仄

終獻 景平

自仄 古亿 在仄 昔仕

先仄 民仄 有亿 作仕

皮仄 弁仄 祭亿 棗仄

於仄 論仄 思仕 樂亿

惟仄 天仄 牖仄 民仄

惟亿 聖仄 時亿 若仕

彝仄 倫仄 攸仄 紘仄

至仄 今仄 木亿 鐸仄

徹饌 咸平

先依師亿有仕言依祭依則依受依福依

四亿海依醫依宮依疇亿敢仕不亿蕭依

禮依成依告依徹依毋亿疏仕毋亿瀆依

樂依所依自亿生依中依原仕有亿菽依

送神 咸平

鳧依繹亿峨仕峨依洙依泗依洋亿洋仕

景依行依行依止依流亿澤仕無依疆仕

聿依昭依祀亿事依祀依事依孔亿明仕

化儀我儀 蒸儀民儀 育儀我儀 膠儀庠儀

文廟祭文 乾隆八年頒舊志不載今本州志增入

維乾隆 年歲次 月 朔越 日某省

某州某官某致祭於

至聖先師孔子曰維

先師德隆千聖道冠百王揭日月以常行自生民所未有屬

文教昌明之會正禮和樂節之時辟雍鐘鼓咸恪薦於馨香泮水膠

庠益致嚴於籩豆茲當仲秋春祗率彝章肅展微忱聿將祀典以

復聖顏子

宗聖曾子

述聖子思子

亞聖孟子配尙

饗

崇聖祠

行三跪九叩頭禮

肇聖王木金父公

裕聖王祈父公

詒聖王防叔公

昌聖王伯夏公

啓聖王叔梁公

祭品五案

帛五白色 羊一豕一 鉶一簠二簋二籩八豆八酒罇一白磁

爵三

配位

顏氏 無繇

孔氏 鯉

曾氏 點

孟孫氏

祭品 每位一案

帛一白色 豕首一簋一簋一籩四豆四豕肉一每位銅爵三

東廡

周輔成

程珦

蔡元定

西廡

張迪

朱松

祭品與配位同去豕首

崇聖祠祭文

乾隆八年頒本州志增入

維某某

年歲次

月

朔越

日某省

某

州府縣

某官某致祭於

肇聖王

裕聖王

詒聖王

昌聖王

啓聖王曰維

王奕葉鍾祥光開聖緒盛德之後積久彌昌凡聲教所覃敷率尋源  
而溯本宜肅明禋之典用申守土之忱茲屆仲秋春聿肅祀事  
以

先賢顏氏

先賢曾氏

先賢孔氏

先賢孟孫氏配尙

饗



書籍

永曆十三年頒書於學

順治志

四書大全一部

五經大全各一部

性理大全一部

續頒御製書

五倫書一部

爲善陰騭書一部

孝順事實二部

勸善書三部

以上諸書俱燬於兵

乾隆元年頒發書籍

乾隆志

十三經全部

二十一史全部

明史全部

學額

穎邑初爲小學雍正三年以文風日盛陞爲中學額取進十二名  
順治志經解孔子曰入其國其教可知也詩書易禮春秋其教  
各有所重故古者上之所以爲教下之所以爲學皆是物也四  
書與五經相表裏而性理一書則皆所以闡明禮義其言錯出  
而旨則同歸因是而盡倫理篤本行萬善備而五經之爲教昭  
然矣學者但無以糟粕視之可也

今按天地古今之所以不敝者道彌綸之也三代而上道在君相堯舜禹湯文武周公是也二  
代而下道在師儒孔孟是也天生孔子集彞舜禹湯文武周公之大成而不得位使之教萬世  
也孔子沒異端興孟子辭而闢之廓如也自是以來自天子以至於庶人中國之言教若咸宗  
孔孟中道其則治不由其道則亂歷代莫之爽也宰我曰以予觀於夫子賢於堯舜遠矣韓子

曰孟子之功不在禹下此千秋之俎豆常新百代之景仰勿替也漢唐宋明崇儒重道世祚綿長秦焚書坑儒元夷儒於巧何傷日月適自速亡記曰道隆則從而隆道污則從而污究之道無隆污隆污者時也噫此可與知道者言難爲不知者道也

### 名宦祠

在文廟西

### 隆慶五年建

### 萬曆四十八年

知縣張福臻重修祀明知縣樊繼祖孫孟舉趙思忠劉應元趙莘陳燦丁祭畢令以下便服行禮牲用少牢其前代名宦如漢姜公以下俱未入祀

明末左兵焚燬

### 鄉賢祠

### 嘉靖初建

在文昌祠東十一年改修於文廟西

萬曆四十八年

知縣張福臻增修祀明大學士賈詠副使王潤御史杜宏贈順天府府丞邢城太常寺少卿邢守庭禹城縣知縣姚德溥祀儀如名宦其前代名賢

如漢劉綱以下俱未入祀明末左兵焚燬

### 乾隆志

康熙四十六年

知縣沈近思重修名宦鄉賢祠鄉賢後裔姚希舜助修

雍正十三年

教諭賴上玉重修

### 文昌祠

在文廟東

永樂中

知縣朱海創建於城東南隅角樓歲以二月二日學官率諸生祀之左兵焚燬

順治五年

署縣事張鳳鳴重修其門南向有楹輿言不應背學宮發科應屬出學人後宋逢泰鄭蕃宋逢盛皆以貢發科理或然也附記

文昌祠舊志附學宮安治八年從尙書岳倪議罷淫祠天下  
學校舊有文昌宮者亦令拆毀其不宜附之學校也明矣

### 乾隆志

康熙五年

知縣甘文煥移建崇聖祠前

二十八年

知縣董匡祚重修

乾隆十年

知縣劉沅重修

四十年

知縣王誥率紳士重修

光緒十七年

知縣孫寶璋率紳士重修

學田

順治志

學田共四頃二十三畝五分歲收租銀二十五兩四錢一分爲本學用及貧生婚葬之助地在駝灣舖及五吉橋諸處

按研岡杜氏志元時撥五吉橋下田一頃四十八畝贍學及楊丹施王曲店地基云云今盡無可稽矣古愚趙氏志嘉靖中義民楊丹施地二頃及知縣韓珊益以公田四頃此豈其遺耶元制卽以田養士而今則不關常廩或牒取或賙給惟督學使者命耳嗟乎貧士固或有所藉資矣士豈其諱貧也哉

社學明洪武初創建察院前一南門內一岔曲北王張潘申安參龍等保各一後圯壞殆盡有併其地基失之者萬歷十年知縣陳燦查復之於縣治東增置一萬歷四十八年知縣張福臻重修之又於杜曲紂城三家店小商橋固廂大石橋各創建一今廢

按社學卽古鄉學遺意舊有專制焉無如廢置相沿非真有司者輕之蓋民不重學而社師之望亦太輕矣

古者立社學教思無窮之意也今人率視爲泛常而輕之豈獨



輕之又從而廢之矣射圃廢而觀德之意微社學廢而黨庠之意衰可慨也夫

### 乾隆志

社學康熙三十八年知縣黃宣於南門內建一處置學田一頃十畝有奇於城東南薛家莊乾隆六年知縣王夔龍添葺瓦屋三間

康熙三十九年教諭宋吉金於北門內設立一處卽循吏祠置學田一頃三畝在城泉保

康熙四十年生員晁璣等復建瓦店集一處

康熙四十九年知縣沈近思於北門內建一處爲紫陽書院置學  
田二十八畝有奇今歸雙忠祠乾隆五年知縣王夔龍於惠民  
堂賣地畝內銀三百兩生息歲收銀七十二兩以作膏火資七  
年知縣劉沆重修

康熙四十九年知縣沈近思建葛岡一處置學田八畝生員王作  
梅弟作哲捐輸學田八畝鄉民程敬存捐輸學田四畝

康熙五十年生員李公擢捐建三家店一處

雍正七年貢監生寇秉正募建永清鎮一處

乾隆六年知縣劉沆復設大石橋一處小商橋一處

乾隆八年知縣劉沆復捐設城東關一處城北街一處

程明道先生言治天下以正風俗得賢才爲本欲萃德業充備  
及材良行修者於京師朝夕相與講明正學其道必本於人倫  
明乎物理其要在於明善誠身擇其學明德尊者爲大學之師  
次以分教天下之學蓋可知師道不立則賢才無由而興風俗  
無由而正故必慎以擇之使一邑之中亦推此行擇師範克端

者萃之城學散之鄉社觀感薰陶歲月既深其必家皆孝弟俗皆仁讓豈不蒸蒸日上進於古哉

### 新志

今按舊志所載社學自咸豐九年皖匪亂後皆廢其學田地畝亦不盡存存者歸入潁川書院光緒三十年來又廢書院義學改爲學堂今將現在學田地畝及生息銀兩備載潁川書院下以備稽考云

潁川書院

在城東北隅

乾隆四十一年知縣王慎旃移紫陽書院改建於茲正中院三進東西偏院各三進地勢宏敞堂齋整飭歲延山長主講生童肄業其中分別膏獎以示鼓勵光緒十三年遊擊銜田心耕捐貲舉人徐春甲等具稟知縣王燕祥重修改建號舍增設石几以便儒童歲科兩試又增修後院一進上房五間東西夾室各三間兩廂房各三間共費錢二千餘緡碑在書院中今改作高等小學堂復撤去石几

南北兩義學

一在北門內

一在南街

光緒二十年知縣魯宗禮捐設今改爲初等小學堂詳潁川書院款項下

計開潁川書院地畝生息銀兩條款

一潁川書院有惠民堂地價銀三百兩乾隆五年詳明交當商二分生息歲收銀七十二兩爲延師束脩之資嘉慶四年正月當商常義盛歇業將本銀呈繳買本縣紳民銀華峯地四十五畝二分七釐六毫每年所收稞租除完糧外歸入書院今作勸學所及城內四區初級小學堂各常年經費

一乾隆四十二年本縣各紳士捐錢一千二百串文發當每月生息錢十八串文遇閏加增爲生童齋長膏火之資每月給飯食錢五六十串不等分別獎賞其餘把門報事吏禮房每季酌給飯食俱在息內支發春冬無人尙有餘息俱由禮房存報以備脩補嘉慶四年當商將本呈繳轉交銀匠余三盛以一分代運行息每月收息錢十二串文又經王前縣查訊余三盛所欠本利實係人亡產絕立案免追惟將着本錢八百零七串文設立紅簿飭禮房按一分行息每月僅收息錢八串零七十文不敷生童膏火獎賞曾經

前任稟明本州批示立案有卷可稽現歸賈魁章等領用按季繳息

一大戶陳家莊有義學地一頃一十畝係前任黃宣捐置每年麥租十六石秋租二十四石先在大石橋小商橋三家店三處設立義學每年每處銀八兩係出稞租之內近年三處義學久廢所收稞租歸入書院今撥勸學所

一本城四鄉有義塚地十七畝九分一厘係前任沈捐置每年麥秋稞租各二石六斗八升八合隨時變價由禮房支領以爲潁川書



院奏銷添補傢伙之用

一前任孫捐入書院生息本錢一千九百七十串文係曹文彬等領使按一分行息每月收息錢十九串七百文按四季呈繳每季繳錢伍十九串一百文

一潁川書院舊有生息本錢七百三十二串文係賈魁章等領使按一分行息每月收息錢七千二百二十文按四季呈繳

一前任孫當入潁川書院地五畝五分光緒三十四年吳文聚將地回贖地價錢七十一串五百文係田耕吾領使按一分行息每月

收息錢七百五十文按四季呈繳

以上三款每年共收息錢三百三十二串八百二十文今作勸學所及城內四區學堂費

一前任魯宗禮當入潁川書院地十五畝四分三厘三毫係滕鳴海承佃每年租稞歸爲書院膏獎之資今入勸學所

一前任魯宗禮新設南北義學兩處捐入本錢四百串文係戶鹽房倉房領使按二分生息爲義學延師束脩之資今入勸學所撥南區學堂卽魯公義學經費之資

一宋居正領種潁川書院地共三十二畝每畝征收錢四百文共收錢十二串八百文

一新入南王保下五李小坡田庚辰充入潁川書院地兩段共五畝八分係譚道認種每年共繳錢三串文今歸勸學所用

一新入宋化堂捐項錢三十串文隨發戶房二班總書領使按二分生息每月所收息錢歸勸學所

一新入牛文彬捐錢八十串文谷清源代認二分生息每月所收息錢作爲南北義學肄業筆墨之資今歸勸學所

一新入小商橋監生邢逢辰充入潁川書院地九畝四分五厘二毫業已出過報票諭令該管地保先行代種查出殷實之家不致虧欠稞租之人取具認保各狀現尙未據報出

一新入銀張氏賣入潁川書院地十四畝五分四厘五毫七絲六忽宋書金領種每年所收稞租今歸勸學所

一前任章炳燾任內有樊鳴珂地十七畝四分二厘變價錢二百串文

一學田八頃九十八畝不在丁地之內每畝征收銀三分係解學院

以爲周濟貧生之需每年解銀二十五兩四錢一分同治二年儒學將底冊移還由縣征收禮房經營三十二年銀兩業已解完現征存三十三年三十四年學田租銀五十兩零八錢二分由禮房外征外解

### 壇祀

順治志凡治民之道莫大於禮禮有五經莫大於祭故古聖之制祭祀也法施於民則祀之以死勤事則祀之以勞定國則祀之能禦大菑則祀之能捍大患則祀之國朝命祀通於天下者孔子而

外惟社稷山川日月星辰雷雨爲然以生以養以化以教其功同也苟非其功祀不妄舉禮也志祠祀

先農壇乾隆志

雍正五年

知縣鄧佑人建在縣東郊壇高二尺許牌高二尺許壇後正屋三配屋各一中神位左儲藉田米穀右藏祭器農具配屋則左辦祭品右令農民居守環以牆門南向藉

田四畝九分每歲仲春亥日巳時祭午時行耕藉禮

祭品帛一白色 羊一豕一 鋤一 籩四 豆四 簋二 簋二 爵三 祭日

各官衣朝衣迎神送神俱行二跪六叩禮禮畢更蟒衣詣藉田

耕藉印官秉耒

農具赤色牛黑色

佐官執箱播種

箱青

各官俱右手扶犁

左手執鞭九推九返農夫終畝耕畢各退官所更衣望闕行三

跪九叩頭禮

社稷壇順治志

明洪武三年

知縣王復建在縣北郊其制東西二丈五尺南北二丈五尺高三丈陸各三級門西中北門入為石主二臨祭設之主北向以春秋仲月上戊日南向致祭答

陰令祭服兼  
笏牲用少牢

正統十年知縣曹忠重修

正德十三年知縣趙鼎重修

嘉靖六年知縣盧鐘重修

萬曆四十八年 知縣張福臻增修周垣環植以木

清因之

乾隆志祭品帛二俱黑餘與先農壇同

順治志土神曰社穀神曰稷民所恃以爲天也王者以民爲天  
民以社稷爲天故自王者以至守令咸祀社稷以寓春祈秋報  
之意重天之天也其或有適然之數民乃舍此弗祀而淫祀興  
矣淫祀興則祀典荒祀典荒則國體潰伊誰之責也孔子曰有  
民人焉有社稷焉蓋神主於民民主於神神民相依所以爲天



下者畢矣和其民而精禋夫神非守令之職也乎

風雲雷雨山川壇順治志

洪武三年知縣王復建在縣南郊其壇制視社稷但無北陛門一主南向配以城隍西向以春秋二仲上巳日致祭儀品冠服皆視社稷正統後知縣曹忠趙鼎盧鏗相

繼修

萬歷四十八年知縣張福臻增修

清因之

乾隆志風雲雷雨在中帛四山川在左帛二城隍在右帛一俱餘

與社稷同

順治志周禮大宗伯之職以禋燎祀風師雨師以糝沈祀山林  
川澤夫禋燎升禋也埋沈順性也其雩祭之自乎然上原下隰  
資生百穀而鼓舞潤澤以成天地之功用者則蜚廉屏翳豐隆  
元冥是司耳有嚴舊典載之周官以饗以祀介爾景福長民者  
詎可忽諸

厲壇

順治志

洪武二年

知縣王復建在縣城北關西祀一縣之厲其制每一保爲一位分列壇之左右每  
位米飯羹各一器城隍位於壇上以監臨之以三月清明日七月望日十月朔日

縣令常服行祭牲用少牢正統萬  
歷年知縣曹忠張福臻相繼修

清因之

乾隆志祭品羊三豕三飯米三石

順治志研岡杜氏曰春秋左傳云鬼有所依乃不爲厲蓋死而無後者值靈颯蕭颯草木凄其之時孤魂蕩蕩靡有所憑鮮不爲患者國家祀典聿興亦祛夫民患也嗚呼矜恤之意覃生死矣

城隍廟

在縣治西北

洪武三年

知縣王復建神初封伯尋去伯號封鑿察司民城隍之神造木主廟宇如公廡設公座筆視如令每月朔望令以下拜謁初任復任並與神誓以少牢祀之

正統十年 知縣曹忠重修

景泰七年 知縣趙鍾修葺

萬曆二十四年 知縣高第增修

四十八年 知縣張福臻增修兩廂及門垣廟貌煥然歲久傾圮

順治十五年 知縣熊啓良典史程之翔率闔邑鄉紳士民捐資重修

### 乾隆志

康熙十七年 貢生姚重華重修

康熙二十九年 邑民安登朝募修

四十九年 知縣沈近思捐置神道改建廟門南向

雍正四年 邑庠生銀作瓊等募修

乾隆九年 知縣劉沆捐率紳士重修

### 新志

道光二十年 知縣管玉和捐率邑紳東昌府守備武舉符苞歲貢王得珩等重修

光緒十一年 知縣王燕祥捐率紳士重修

順治志說者謂城隍之祀古無有也高其土爲城深其土爲隍於以衛民功甚大秩之於祀蓋以義起是矣邱文莊所謂天地

問有一物則有一神聚一方民而爲高城深池以衛之必有主之者此神所以神也周禮有司民之祭封之司民民將式憑其規制盡視令而凜凜鑒察是司卽令所要誓豈虛哉孰謂古無有無寧隕越於下爲神羞矣

八蜡祠

在山川壇之東南隅嘉靖中撫臺檄創建祭壇畢縣令常服行祭牲用少牢其所祀之神先嗇一司嗇二百種二農四耐表畷五貓虎六坊七水壩八

萬曆四十八年

印縣張福臻重修

清因之

乾隆志

康熙三十八年 知縣黃宜改建在山川壇東北隅

乾隆三年

知縣黃道遠改建於西關外門南向每歲仲春十有四日仲秋十有四日致祭祭品儀注俱同社稷壇

順治志禮云八蜡以祀四方四年不順成八蜡不通謹民財也順成之方其蜡乃通以移民也是知一方凶寧廢蜡禮不以妨民豐則通諸方而舉蜡觀於蜡而重民之意亦可見矣

關壯繆侯廟 在縣北門內

永樂初建天順嘉靖中及萬曆二十年 父老選修之

順治志按壯繆後主景耀三年追諡也侯漢臣也心乎漢宜從

漢諡

簡庵谷氏曰侯以信義致行其於操也決乎去就不憚生死古  
今之忠誠正直如侯者鮮矣厥廟宜也

乾隆志

康熙二十七年邑人重建每歲春秋仲月及五月十三日致祭祭

品帛一色白牛一豕一羊一籩十豆十五月祭去籩豆用菓五盤

雍正三年追封三代公爵祠後殿中光昭公東裕昌公西成忠

公春秋二祭行三跪九叩禮祭品帛各一色白豕各一羊各一籩



豆各八乾隆九年客商建城內西南隅規模宏敞春秋祭皆因  
之

忠義祠

在文廟西詳學校

節孝祠

乾隆志在縣署西北

雍正六年

知縣鄭佑人以舊察院衙門基址改建

土地祠

在縣儀門東

萬歷二十二年

知縣高第改建

順治六年

知縣魏承忠重修

馬神祠

在縣後祀馬祖天驕房星及先牧馬社馬步之神

乾隆志

康熙三十六年

知縣黃官改建在縣署東按今在縣署西

雍正三年

知縣林貽熊重修

乾隆九年

知縣劉沅重修

獄神祠

在縣獄中祀虞士師皋陶

雍正七年

知縣鄭佑人重修

順治志古愚趙氏曰按詩有既伯既禱之文而馬祖先牧之稱

見周禮東漢范滂傳滂坐鉤當入獄獄吏謂曰凡坐係者皆祭  
皋陶以此觀之兩祠所從來久矣 馬神有朔望兩謁而獄神  
并其謁無之亦太甚矣夫

雙忠祠

乾隆志在東街

康熙五十一年

知縣沈近思捐建祀宋岳武穆王明于忠肅公監生宋坦捐輸廟基一畝  
一分有碑記見藝文

楊統制廟

在小商橋統制宋岳武穆部將楊再興也高宗紹興十一年與金兀朮戰於小  
商橋死之

正德中

知縣趙鼎奉撫院檄立廟戰所以奉祀事

萬曆九年

知縣陳燦重修

康熙四十九年 知縣沈近思捐修

### 循吏祠二

萬曆十五年建

一在縣北門內祀知縣劉應元錢楷一在城南十里舖祀知縣高第俱有碑記見藝文

順治志頴之祀循吏者甚多兵火之後悉成灰燼止存北門內

一祠耳十里舖之祠蓋因高公有德於民至今追思紳衿王應

泰姚允祥姚重華等鄉民邵芳升等於順治七年捐資重修

乾隆志循吏祠在北門內今改爲義學城南十里舖今廢存舊

址

順治志按神祠自八蜡以下皆未秩祀典然以功以望以死事  
於典皆應祠故謹載之

### 新志

沈端恪公祠

在城東北隅祀知縣沈近思詳名宦

光緒三十四年

知縣陳垣創建

宋廣文祠

在教諭宅東祀教諭宋吉金久圯

宣統元年

訓導王鳳翔重建

鄉飲

順治志鄉飲之禮維周特詳其後閒舉行之舉之而不皆賢古意浸失矣意失而行之何與於不行雖然不可已也禮之言曰三揖而升所以致讓也盥洗揚觶所以致潔也拜至拜洗所以致敬也坐立明尊異豆明養出入孝弟尊長養老教成而後國可安也禮詎可廢與志鄉飲

洪武初頒行鄉飲酒禮歲以正月望日十月朔日舉行於明倫堂其賓若介皆敦請邑薦紳士德望素著者其鄉耆亦擇年高有德及素行純篤者與之並嚴濫舉之禁或虛其席以示鄭重之

意今久廢

高密張氏曰古之鄉飲有四賓興賢能州長習射黨正蜡祭今第存其一所爲鄉大夫飲國中賢者耳謂之賢非直以齒尙矣匪是飲也謂之濫舉序長幼論賢良別姦頑異罪人蓋一禮而衆義具備焉猗與盛哉揭之爲不易之程陶之爲可封之俗故曰觀於鄉而知王道之易易也不必取古之飲而一一論著矣

朝賀

順治志朝賀禮也或曰行之廟堂非一邑事然鄉黨記孔子吉月

必朝服而朝非與會典云正旦及冬至天下拜闕舉相慶賀一邑之間大夫士庶咸知有朝廷之尊所係不幾重乎志朝賀

明制元旦冬至及萬壽節皆先期習儀於縣治西萬壽寺中設龍亭於縣堂至期具朝服行十二拜禮山呼舞蹈如朝儀清因之

### 乾隆志

萬壽宮在西街

乾隆十年知縣劉沅率紳士銀作瑄薛璐王屏薛天衢及里書等捐修有碑見藝文

萬壽聖節先一日於



萬壽宮設置

龍亭至日五更文武各官朝衣分東西立丹墀下行三跪九叩禮畢  
各退

皇后千秋令節元日長至節儀注同

開讀儀注朝使賚

詔書至各官朝衣具

龍亭彩輿奏樂迎郭外北向行三跪九叩禮入跪接

龍亭至公所樂作行禮如初展讀官宣讀跪聽畢行三叩禮如初畢

易服具樂送

順治志禮有古無而今有者如三大禮是已自漢以來始上壽  
賀歲首魏晉以來賀冬至明秩爲大禮無遠邇咸稟仰焉

鄉約

順治志鄉約之立蓋古者讀邦法之意也考亭增損呂氏鄉約曰  
德業相勸曰過失相規曰禮俗相安曰患難相恤後益以六條則  
又考亭呂氏之意也顧廢而不講委之草莽乎觀於鄉而知王道  
之易易也豈是之謂與志鄉約

## 鄉約所

在萬壽寺中其制有約正約副及司贊司講俱慎簡其人任之每月初二十六日親詣宣讀律令及洪武六諭反覆講說民各諦聽又設善惡簿使據實呈報書之以示獎戒各鄉約地遠近立所六十餘大略如縣約亦不時詣講

按古之鄉約率各自爲約如呂氏約可稽已而今揭六言爲約是六言曷所不總括焉首提其最初而聳其所不容已民於是蒸蒸知孝弟矣豈有不親不遜甘卽於非者與末勅以勿之一

言尤懷於申令長民者誠毋忽爲文而一以真心行之無慮民之不奉約也今廢

### 乾隆志

鄉約城內及各村立講約所選舉約正一人值月三四人每朔望集講所宣講 聖諭廣訓講畢卽詢善惡狀令值月分書於籍歲終彙冊於官以示懲勸今廢

### 武備

順治志國家仁恩覃敷聲教四訖投戈講藝聿興文教武備豈所

宜急不知邑宰者爲朝廷守土牧養百姓捍禦外侮者也除戎器  
戒不虞嚴保甲曷可一日緩焉志武備

教場 在北關西

正統中創建

正德六年 知縣孫孟舉改設於北關東中爲亭曰演武前爲將臺歲以清明霜降日位旗纛神於臺上祭之祭畢操閱第其甲乙而賞罰焉

嘉靖初 知縣鄒瓚編定守城馬民壯三十八名步兵民壯一百二十五名後裁五名外在省團練馬步兵共五十餘名

原教場之設肅戎教民自承平久民不知兵兵徒手尺箠卒有  
桴鼓之警何恃哉今既抽汰其人令人與兵相習教練無虛月

亦庶幾不必用而恃其有可用云耳苟宴然不爲兵政計徒令  
觀者指爲蟻屯於教之義何居焉

嘉靖六年

知縣盧鏗修垣牆易以瓦甃

萬曆四年二十二年

知縣劉介高第相繼修

四十八年

知縣張福臻增演武亭及兩耳廳各垣牆環植以木官  
兵民壯一百名機兵二百二十四名今亭及耳廳俱廢

乾隆志

大教場詳舊志小教在縣署東

民壯五十名雍正十年裁汰十名乾隆十二年又裁十名現存三

十名隨營操演

營兵南北路墩臺大石橋駝灣舖固廂鎮大溝橋各一處乾隆六年知縣王夔龍重修在城守兵十四名大石橋馬兵二名守兵二名駝灣舖固廂鎮大溝橋守兵各五名僻路營房巨陵店一名黃連城一名守兵各二名共馬兵二名步兵三十六名屬郾城轄雍正二年添設把總一員

附保甲

順治志十家爲甲甲有長十甲爲保保有長各家丁口業載以籍

凡忤逆博鬪等情甲長皆報以聽覈究人置兵械保設馬丁有警保甲協助官兵防禦通計各保長二百有五人

昔陽明先生在南贛多用保甲法臨潁保甲之壞由於不均均而行之比伍相聯緝盜詰姦法莫善於此矣

乾隆志縣分一十四保共八百十三莊二千九百二十四牌保長共六十一人奉憲查居民去來及寺觀旅店建望遠樓置器械整修牆柵嚴夜巡并禁賭博逃盜窩娼等稽察惰民嚴巡流棍每歲發牌登丁口目數冬則點牌查甲緝盜安民法誠



善也

風俗

順治志昔楊用修言禹貢記山川不記風俗風俗繇乎上之教也  
是故教化行而士習端士習端而風俗成故於教典之後繼以風  
俗者重乎教也教明於上習移於下務本實而悅禮義潁之風俗  
蓋有可紀矣志風俗

風土記曰潁士風端愿民俗勤勞有巢由清節之風漢書曰潁川  
人尙忠其敝樸野有申韓刻害餘烈

宋史地理志曰其俗重禮義勤耕織

二泉邵氏曰許屬風俗不甚相遠潁人尤篤厚好學

研岡杜氏曰重賢敬賓村落中尤尙之每遇經生學士倍加恭  
謹樂施予見無告者多以錢物擲之重墓祭不立祠堂值令節  
率家衆置酒餼哭奠尙鬼信巫病不事醫藥兄弟每競財產無  
再世同居者漸多遊惰或博賽或唆訟號曰幫虎一遇凶荒輒  
負擔而出謂之趁熟流來者賃傭如土人往往被其害

元旦具牲醴於庭拜祖先親朋交賀數日乃止立春日啖春餅五

辛爲供具曰咬春元夕通衢然燈越日相續於道曰走百病是  
夜竈卜遇雷發聲取土辟蝎寒食祭墓清明折柳插門及男女  
簪之四月八日簪皂角芽浮屠有浴佛會重午留角黍貼門符  
縛艾虎繫百歲索飲雄黃菖蒲酒取蝦蟆窩墨預塗瘡腫是日  
女氏有夏衣酒禮往壻家曰追節六月六日暴書衣七月七夕  
乞巧望日祭墓中秋以瓜果拜月供大蒸餅以象月形爲賞月  
會重九製花餠賞菊登高飲茱萸酒是日女氏具餠菊禮往壻  
家亦曰追節十月朔祭墓剪紙爲衣焚於墓曰送寒衣是月釀

酒治牲合樂擊鼓報賽土神又有臥碓會飲食醉飽日昃乃罷  
冬至日祀先交賀若元旦儀臘八日煮雜豆粥二十四日掃舍  
宇男子祀竈除夕多嫁娶易門神桃符春帖懸長綫爆竹村落  
門多掛葫蘆炭箸遂圍爐守歲焚避瘟丹五更然燭迎神祀祖  
先竈

按風俗美惡由於漸染染於善則善染於惡則惡斯豈人性有  
異乎是在職司風化者耳

潁地僻民朴前志載之詳矣邇來日趨於奢菜傭小輩類尙豪

奢多日節省爲鄙事招飲醮戲不吝金資至家無春糧而不知  
悔如往歲之溝瘠道殣豈專歲凶爲罪乎前任知縣萬世祚折  
簡八簋約是亦風示救時之一端云

乾隆志

頽俗尙號純朴第承平日久不無漸頽舊志謂菜傭輩類尙豪奢  
今未之見然云招飲醮戲則於今爲烈焉殯葬凶禮也設酒筵  
燕鋪列裊褥以待賓客與古禮何異且先期必預請首事呼朋  
引類雜沓滿堂或名札彩或號公旌甚至出錢演戲以侑喪此

尤非禮若婚禮親迎穎邑行之已久近概從簡意在省費實不  
中禮奢儉均無當也余蒞任後出示禁之而風尙未能盡革夫  
凶禮主戚衣衾棺槨爲重檀弓三日而殯附於身者必誠必信  
勿之有悔三月而葬附於棺者必誠必信勿之有悔郊特牲男  
子親迎男先於女剛柔之義也春秋譏不親迎稽考禮制轉移  
風化豈獨司牧者責余於諸君子有厚望焉